



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

LXXXVII. Confirmatio Decretorum Commissariorum Generalium Indiarum
Ordinis Minorum Sancti Francisci Discalceatorum circa missionem
Visitatoris ad Provinciam Sancti Gregorii in Insulis Philippinis ex ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

LXXXVI. Statutum alternativæ in Electione Provincialis pro Provincia Franciæ Ordinis Fratrum B. M. de Monte Carmelo.

Dat. die 3. Martii 1733. Pont. An. III.

CLEMENS PAPA XII.

Ad perpetuam rei memoriam.

Exordium.

Pastoralis officii, quod auctore Deo gerimus, cura animum nostrum sollicitat ad ea peculiari paternæ charitatis studio statuenda, per quæ Christianis, divinis obsequiis sub suavi Religionis jugo mancipatorum, quieti, & felici regimini opportunis rationibus consulatur.

§. 1. Exponi siquidem Nobis nuper fecit dilectus filius Eliseus Monsignani, Procurator Generalis Ordinis Fratrum Beatæ Mariæ de Monte Carmelo antiquæ observantiæ Regularis, quod cum Provincia Franciæ dicti Ordinis ex diversis nationibus componatur, ac in quatuor districtus: districtum scilicet primò Franciæ: secundò Normanniæ: tertio Leodii, & Lotharingiæ (qui simul collecti consiciunt numerum centum tredecim Sacerdotum & Clericorum) & quartò districtum Picardiæ, Atrebatum, & Hannoniæ centum octoginta Sacerdotes & Clericos complectentem; sit divisa; Verum propter multorum expositulaciones in certa quadam agitatione & dissensione versetur, quibus nullum aliud remedium afferri potest pro pace & tranquillitate in eadem Provincia firmiter stabilienda, quam instituendo alternativam seu Turnum pro Provincialatu adinstar duarum aliarum Regni Galliæ Provincialiarum; ideo dictus Eliseus Procurator Generalis animi sui sensum unà cum illo Prioris Generalis Ordinis hujusmodi protulit, ad occurrendum ejusmodi incommodis expedire, ut, quantum fieri potest, inter duas ejusdem Provinciæ partes æquilibrium & æquitas servetur: tres quidem primi districtus scilicet Franciæ, Normanniæ, & Leodii-Lotharingiæ ex una parte, ex altera vero districtus Picardiæ, Atrebatum, & Annonum alternis vicibus de triennio in triennium Provincialatum obtimeant.

§. 2. Quare prædictus Eliseus Procurator Generalis Nobis humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur. Nos igitur ipsius Elisei Procuratoris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, ut in posterum in prædicta Provincia Franciæ alternativa supranarrata fideliter observetur, ita ut uno triennio ex Fratribus Franciæ, Normanniæ, & Leodii-Lotharingiæ Provincialis eligatur: altero verò subsequenti triennio e Fratribus districtus Picardiæ, Atrebatum, & Hannoniæ Provincialis eligatur: cæteris electionibus tum Priorum, tum Definitorum, aliorumque Officialium, remanentibus juxta pristinum usum hæcenus observatum, & imposterum in eadem Provincia observandum, auctoritate Apostolica tenore præsentium statuimus & ordinamus.

§. 3. Decernentes easdem præsentibus literas semper firmas, validas, & efficaces existere & fore, suosque plenarios & integros effectus fortiri & obtinere; ac illis, ad quos spectat & pro tempore quocumque spectabit, in omnibus & per omnia plenissime suffragari; & ab

illis respectivè inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, ac, quatenus opus sit, Provinciæ, & Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliàs in suo robore permansuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorum sub Annulo Piscatoris die 3. Martii 1733. Pontificatus Nostri Anno Tertio.

F. Card. Oliverius.

Et obstantium derogatio.

Confirmatio Decretorum Commissariorum Generalium Indiarum Ordinis Minorum Sancti Francisci Discalceatorum, circa missionem Visitatoris ad Provinciam Sancti Gregorii in Insulis Philippinis ex aliena Provincia &c.

CLEMENS PAPA XII.

Ad futuram rei memoriam.

§. 1. Exponi Nobis nuper fecit dilectus filius Vincentius Ingles Minister Provincialis Provinciæ Sancti Gregorii in Insulis Philippinis Ordinis Fratrum Minorum Sancti Francisci Discalceatorum nuncupatorum, quod dilecti filii Joannes de Soto, & Dominicus Lossada, ultimus ac modernus respectivè Commissarii Generales Indiarum dicti Ordinis, quadam decreta pro bono dictæ Provinciæ regimine ediderunt; quibus, Commissariorum Generalium hujusmodi antecessorum suorum ordinationes confirmando, mandarunt Commissario Generali novæ Hispaniæ Ordinis præfati pro tempore existenti, ut nullatenus mittere valeat ad dictam Provinciam Visitatorem ex aliena Provincia: neque eligat vel nominet ex eadem Provincia alium præter tres; a suo Definitorio propositos, ad Visitationem: similiter ne detineat Vocales & Procuratores missos ab eadem Provincia, neve se intromittat in eorum Eleemosynis, neque in negotiis sibi commissis: & aliàs, prout uberius continetur in ipsorum Joannis, & Dominici Commissariorum hujusmodi patentibus literis, desuper confectis, ac de Hispanico idiomate in latinum versis, tenoris, qui sequitur, videlicet:

Fr. Joannes de Soto Lector Jubilatus, Theologus Regius pro congressu Immaculatæ Conceptionis, & in hac Familia Cismontana totius Ordinis S. P. N. Francisci Commissarius Generalis, & Indiarum, & Servus &c.

RR. PP. Provinciali, ac Venerando Definitorio Provinciæ nostræ Sancti Gregorii Philippinarum, salutem in Christo Jesu Domino Nostro.

§. 2. Quoniam Nobis constat R. P. Joannem Luengo, antecessorem nostrum Commissarium Generalem Indiarum, perpendendo inconvenientia gravia, quæ oriebantur ex generali Regula, mittendo ad eam nostram Provinciam Commis-

LXXXVII.

Dat. die 17. Martii 1733. Pont. An. III.

Sanctum ne Visitator Provinciæ Philippinarum

Eligatur ex aliena Provincia,

Et a suo non propositus Definitorio &c.

Tenor Statuti editi ab ultimo Commissario Gen. Indiarum;

Peticio, quibus innixa fundamentis.

Statuitur alternativa Provincialatus de triennio in triennium.

Præsentium Literarum firmitas.

farium Visitatorem ex aliena; & quia magis proportionata admittendum ex ea Visitatorem erat Provincia nostra Excalceatorum Sancti Didaci in Mexico, quae est adeo distans & remota, ut est notorium; & praeterquam quod Visitatores gravissimo periculo vitae debebant exponi, non poterant Provinciam adire absque gravissimis expensis, parum conformibus paupertati, quam juxta Regulam nostram professi sumus, & quin Provincia exhausta maneat ad succurrendum veris necessitatibus suorum Fratrum, si expensas faciat Visitatoribus in eundo & redeundo; his omnibus attentis Paternitas Sua Reverendissima, utens facultate a lege concessa, ut possit eligi Visitator ex eademmet Provincia visitanda, quando ita fuerit expediens, vel adfit grave aliquod impedimentum, ut ex alia mittatur; & cupiens occurrere supra expressis inconvenientibus, disposuit, ordinavit, & praecipit suis literis Patentibus, ut imposterum Visitator nostrae Provinciae Philippinarum eligatur ex Patribus benemeritis ejusdem Provinciae, & quod non admitteretur ex ulla alia Provincia. Propterea cum pro parte ejusdem nostrae Provinciae eadem Nobis fuerit facta representatio, & supplicatum, ut dignemur praefata omnia confirmare nostris literis Patentibus, & pariter alias literas Patentes circa idem, & in quibus etiam cavetur, ne Commissarii Generales novae Hispaniae detineant Vocales seu Procuratores a dicta Provincia missos; nec se intromittant in elemosynis ad eandem pertinentibus, neque in negotiis & dependentiis, quarum causa veniunt, emanatas a praedecessoribus nostris RR. PP. Juliano Chumillas sub 29. Septembris anni praeteriti 1688. & Josepho Sunz sub 26. Aprilis 1713. confirmando antecedentes, & aliam a dicto Reverendissimo Chumillas expeditam die 28. Maji 1689. in qua ordinat & praecipit dictis RR. PP. Commissariis Generalibus novae Hispaniae pro tempore, ne possint mittere nec nominare in Visitatorem dictae Provinciae, nisi unum ex tribus, ad hunc effectum praesentatis a Reverendo Definitorio ejusdem Provinciae; Igitur, conformando Nos dictamini dictorum trium antecessorum nostrorum fundato in sancto zelo, prudentia, & aequitate, virtute praesentium, & in hac parte utentes nostrae potestatis plenitudine, confirmamus, omnes Patentes, & supra expressas determinationes his nostris pro insertis habentes, & denuo ordinamus & praecipimus per Sanctam Obedientiam in virtute Spiritus Sancti, & sub pena excommunicationis majoris latae sententiae ipso facto incurrenda, Rev. P. Commissario Generali moderno, & pro tempore, ut nullatenus mittere audeant ad dictam Provinciam Philippinarum Visitatorem ex aliena; neque eligant vel nominent ex eadem alium praeter tres a suo Definitorio propositos ad visitationem, eo modo, quo praecipit & confirmatum fuit a dictis RR. praedecessoribus nostris Commissariis generalibus Indiarum. Et similiter praecipimus, ne detineant Vocales & Procuratores missos a dicta Provincia, neve se intromittant in eorum elemosynis, neque in negotiis sibi commissis; Sed potius ordinamus, & monemus, ut cum omni benignitate, charitate, & religiosa affabilitate ipsos recipiant & traudent, eisdemque assistant & faveant in omnibus necessariis ad eorum expeditionem & conductionem in his, quae ipsis exposuerint; quoniam ita convenit ad bonum gubernium dictae Provinciae nostrae, qui in omnibus hic expressis, & in aliis Patentibus praedecessorum nostrorum, hac nostra, ut dictum est, confirmatis, possit, nec debeat esse aliqua tergiversatio; & Vestris Patribus Reverendissimis ordinamus & praecipimus, ut adimpleant, adimplereque faciant, in quantum ad ipsos attinet, omnia his nostris literis contenta, ipsaf-

Ne Commissarii Gener. Hispaniae Vocales ex illius Provincia detineant. Nec se intromittant in eorum elemosynis, & negotiis.

que notificent per originales vel authenticam copiam Rev. P. Commissario Generali moderno vel pro tempore respectu Provinciarum novae Hispaniae, ut ipsis constet de hac nostra dispositione, & ipsam ad literam observent, uti praecipit & determinatum est. Datum in hoc nostro Conventu S. P. N. Francisci Matriten. 3. Januarii 1724.

Fr. Joannes de Soto Commissarius Generalis, & Indiarum.

Fr. Didacus de Espinosa Secretarius Generalis Indiarum.

Fr. Dominicus Lofada Regularis Observantiae Sancti P. N. Francisci Lector Jubilatus Complutensis, Catholicae Majestatis pro Immaculatae Conceptionis Regali congressu Theologus, Exprovincialis Provinciae Castellae, Pater illius Sancti Jacobi, Exsecretarius Generalis Ordinis, & Commissarius Generalis omnium Indiarum occidentalium, & Servus &c.

Eadem Decreta confirmata a moderno Commissario Generali.

RR. PP. Provinciali, ac Vener. Definitorio nostrae Provinciae Sancti Gregorii Philippinarum, salutem, & pacem in Christo Jesu Domino Nostro.

S. 3. Quoniam Rev. P. Fr. Joseph a Sancta Ella Praedicator, ex-Prominister, Pater, & Procurator praefatae nostrae Provinciae Sancti Gregorii, Nobis praesentavit Memoriale quoddam nomine dictae Provinciae, per quod confirmari supplicat literas Patentes expeditas die 3. Januarii 1724. a Reverendissimo P. N. Fr. Joanne de Soto, Lectore Jubilato, Catholicae Majestatis pro Beatae Virginis Immaculatae Conceptionis Regali congressu Theologo, & Ministro Generali totius Ordinis S. P. N. Francisci, cum esset Commissarius Generalis Indiarum, in quibus confirmat, & sub gravibus penis observare praecipit Patentes RR. Commissariorum Generalium Indiarum antecessorum ipsius, ad eandem Provinciam Sancti Gregorii Philippinarum, ipsiusque salubrius gubernium attinentes, propterea virtute praesentium manu propria subscriptarum, majori sigillo nostri officii muniturum, & per Secretarium nostrum referendarum, conformando Nos cum maturo dictamine & sensu dictorum nostrorum antecessorum, uti innixis iusto ac sancto zelo, prudentia, & aequitate, confirmamus Patentes omnes & Decreta supra expressa, quae hic pro insertis, ac si de verbo ad verbum exprimerentur, habemus; & denuo praecipimus in virtute Sanctae Obedientiae sub pena excommunicationis majoris latae sententiae ipso facto incurrenda, admodum Rev. P. Commissario Generali novae Hispaniae moderno, ac pro tempore, ut nullatenus audeant mittere ad dictam nostram Provinciam Philippinarum Commissarium Visitatorem alienae Provinciae, neque eligant vel nominent ex eadem Provincia aliquem, nisi unum ex tribus ab eadem Provincia, vel ipsius Definitorio propositis & praesentatis; & pariter, ut nullatenus detineant Vocales & Procuratores ab eadem Provincia missos, nec se intromittant in elemosynis, & negotiis hujusmodi Procuratorum cura commissis; & quod observent omnia contenta & expressa in dictis literis Patentibus Reverendissimi Patris nostri Joannis de Soto, & aliorum Commissariorum Indiarum in ipsis confirmatis, quas notificari faciant in originali, vel copia authentica, Rev. admodum Patri Commissario Generali novae Hispaniae moderno, vel pro tempore, ut ipsis constet de hac nostra ordinatione, ipsamque ad literam, uti praecipit est, observent. Datum in hoc Conventu S. P. N. Francisci Matriten. die 28. Martii 1731.

Fr. Dominicus Lofada, Commissarius Generalis Indiarum.



De Mandato S^{ae} Reverendissimae Paternitatis, Fr. Sebastianus de Enzinas Secretarius Generalis Indiarum.

Loco ✕ Sigilli.

§. 4. Cum autem, sicut eadem expositio sub-
jungebat, praedictus Vincentius, praemissa quod
firmius subsistant, Apostolica confirmationis no-
strae patrocinio communiti summopere deside-
ret; Nos ipsum Vincentium specialibus favori-
bus & gratis prosequi volentes, eumque a qui-
busvis excommunicationis, suspensionis, & in-
terdicti, aliisque Ecclesiasticis sententiis, censu-
ris, & poenis, a jure vel ab homine quavis oc-
casionem vel causa latis, si quibus quomodolibet
innodatus existit, ad effectum praesentium dum-
taxat consequendum, harum serie absolventes,
& absolutum fore censentes, supplicationibus
ejus nomine nobis super hoc humiliter porrectis
inclinati, de Venerabilium Fratrum Nostrorum
S. R. E. Cardinalium, negotiis & consultationi-
bus Episcoporum & Regularium praepositorum,
consilio, praeserta Decreta, expeditaque de-
super patentes literas praedictas auctoritate Apo-
stolica tenore praesentium confirmamus & appro-
bamus, illisque inviolabilis Apostolicae firmitatis
robur adjicimus, ac omnes & singulos juris
& facti defectus, qui in praemissis quomodoli-
bet intervenerunt, supplemus: salva tamen sem-
per in praemissis auctoritate memoratae Congre-
gationis Cardinalium.

Isdem De-
cretis robur
auctoritatis
Apostolicae
adjicitur.

Clausula.

§. 5. Decernentes, easdem praesentes literas
firmas, validas, & efficaces existere & fore,
suosque plenarios & integros effectus sortiri &
obtinere; ac illis, ad quos spectat, & pro tem-
pore spectabit, in omnibus & per omnia plen-
issime suffragari, & ab eis respective inviola-
biliter observari; sicque in praemissis per quo-
cumque Judices ordinarios & delegatos, etiam
Causarum Palatii Apostolici Auditores, judicari
& definiti debere; ac irritum & inane, si secus
super his a quoquam quavis auctoritate scien-
ter vel ignoranter contigerit attentari.

§. 6. Non obstantibus Constitutionibus & Or-
dinationibus Apostolicis; necnon, quatenus opus
sit, Provinciae & Ordinis praedictorum, etiam ju-
ramento, confirmatione Apostolica, vel quavis
firmitate alia roboratis statutis, & consuetudi-
bus, privilegiis quoque, indultis, & literis Apo-
stolicis, in contrarium praemissorum quomodo-
libet concessis, confirmatis, & innovatis. Qui-
bus omnibus & singulis, illorum tenores praesentibus
pro plene & sufficienter expressis, ac
ad verbum insertis habentes, illis aliis in suo
robore permanentibus, ad praemissorum effectum
hac vice dumtaxat specialiter & expresse deroga-
mus, caeterisque contrariis quibuscumque.

Datum Romae apud S. Mariam Majorem sub
Annulo Piscatoris die 17. Martii 1733; Pontifi-
catus Nostri Anno Tertio.

F. Card. Oliverius.

XXXXVIII.

Prascribitur modus impostertum servandus in de-
putatione Officialium Curiae Fratrum Mino-
rum Sancti Francisci de Observantia, ac Re-
formatorum, Excalceatorum, & Recollecto-
rum Franciae, in locum Officialium hujusmo-
di, cedentium vel decedentium durante tem-
pore suorum Officiorum.

CLEMENS PAPA XII.

Ad futuram rei memoriam.

§. 1. CUM, sicut pro parte dilecti filii Mi-
nistri Generalis Ordinis Fratrum Mi-

norum Sancti Francisci de Observantia nuncupa-
torum Nobis nuper expositum fuit, inter alias
ordinationes communi totius Ordinis praedicti
consensu editas in novissimo Capitulo Generali,
Mediolani habito, decretum fuerit, supplican-
dum Sedi Apostolicae pro reductione in anti-
quum statum deputationis Officialium Curiae di-
cti Ordinis in locum eorum, qui durante tem-
pore ejusmodi officiorum illis cesserint, vel ab
humanis decesserint; idem Minister Generalis
Nobis humiliter supplicari fecit, ut in praemis-
sis opportune providere, & ut infra, indul-
gere de benignitate Apostolica digneamur; Nos
ipsum Ministrum Generalem specialis favore
gratiae prosequi volentes, & a quibusvis excom-
municationis, suspensionis, & interdicti, aliis-
que Ecclesiasticis sententiis, censuris, & poenis,
a jure vel ab homine quavis occasione vel cau-
sa latis, si quibus quomodolibet innodatus exis-
tit, ad effectum praesentium dumtaxat conse-
quendum, harum serie absolventes & absolu-
tum fore censentes, hujusmodi supplicationibus
inclinati, audito prius per Nos super praemissis
voto Congregationis Generalis Ordinis praedi-
cti, modum infra scriptum in deputatione dicto-
rum Officialium Curiae cedentium vel deceden-
tium, deinceps post proxime futurum Capitu-
lum Generale ejusdem Ordinis servari auctori-
tate Apostolica tenore praesentium praecipimus
& mandamus, nempe, Quod, secuta electione
Officialium Curiae praedictae, pro tempore exis-
tens Minister Generalis dicti Ordinis Fratribus
Definitorii Generalis sex saltem Religiosos, de-
bitis qualitatibus praeditos, illius nationis, ex
qua fuerit Officialis electus, proponere debeat,
& ex iis tres ab ipso Definitorio seligantur, e
quibus in eventum vacationis ejus Officii idem
Minister Generalis unum ad sui libitum depu-
tare teneatur; & si contigerit, alterum ex tri-
bus Religiosis sic a Definitorio electis decede-
re, aut inhabilem fore, facultas Ministri Gene-
ralis deputandi dictum Officium ad duos reli-
quos; quatenus vero duo mortui, aut inhabi-
les fuerint, ad unicum superstitem limitata sit,
& esse intelligatur; sin autem omnes tres obie-
rint aut inhabiles reperiantur, tunc deputetur
Religiosus dignior illius nationis, de qua erat
Officialis electus in Capitulo Generali, deman-
dato, in casu absentiae Religiosi ita deputati,
exercitio officii Secretario Officialis cedentis vel
decedentis; quodque electus trium Religioso-
rum praedictorum pro Fratribus de Observantia
Reformatis, Excalceatis, & Recollectis, Fran-
ciae nuncupatis dicti Ordinis, ab eorum respec-
tive Definitorio Generali perficiatur.

§. 2. Decernentes, easdem praesentes literas
firmas, validas & efficaces existere & fore, suos-
que plenarios & integros effectus sortiri & ob-
tinere; sicque & non aliter in praemissis per
quoscumque Judices ordinarios & delegatos,
etiam Causarum Palatii Apostolici Auditores,
judicari & definiti debere; ac irritum & inane,
si secus super his a quoquam quavis auctoritate
scienter vel ignoranter contigerit attentari.

§. 3. Non obstantibus Constitutionibus & Or-
dinationibus Apostolicis; necnon, quatenus opus
sit, Ordinis praedicti, etiam juramento, confir-
matione Apostolica, aut quavis firmitate alia
roboratis statutis, & consuetudinibus; privile-
giis quoque, indultis, & literis Apostolicis, in
contrarium praemissorum quomodolibet concessis,
confirmatis, & innovatis. Quibus omni-
bus & singulis, illorum tenores praesentibus pro
plene & sufficienter expressis ac insertis habentes,
illis aliis in suo robore permanentibus, ad
praemissorum effectum hac vice dumtaxat specia-
liter & expresse derogamus, caeterisque contra-
riis quibuscumque.

Datum Romae apud Sanctam Mariam Majo-

Quomodo
providum.

Clausula.

Dat. die 10.
Aprilis 1733.
Pont. An. III.

Faelli series.